

Dienelkander



Nuusbrief van die Gereformeerde Kerk Potchefstroom-Oos

2024 Bedieningstema Toegewyd aan God; Diensbaar aan mekaar en aan die wêreld.

28 Januarie 2024

09:30 OGGENDEREDIENS:
Ds. Piet Venter

Die Doop word vanoggend bedien aan Albert, tweede seuntjie van De Vos en Odette Joubert. Ons is saam met hulle dankbaar dat ons getuies kan wees van God se verbondsgenade aan ons kinders. Hartlik welkom aan familie en vriende van die dopeling.

Reeksprediking uit Klaagliedere

Ons vraag aan die begin van die jaar was: Wat sal gebeur as 2024 nie so voorspoedige jaar gaan wees nie? As dié jaar baie slegte dinge vir ons sou inhoud? Sal ons die Here nog toegewyd dien?

Klaagliedere 1

Ons het geleer dat God op geweldige pynvolle maniere op ons lewens kan ingryp en ons lewe kan omkeer. **Die boodskap van hoop was toe:** Houvas aan God wanneer Hy jou diep ontnugter, stukkend en verlate laat.

Klaagliedere 2

Verlede Sondag het ons geleer dat God se ingrype in ons lewe altyd 'n doel in my lewe

het. Ons het gehoor: die Here straf sonde genadeloos! **Die boodskap van hoop was:** Beproewing bring besinning en berou oor my sonde en laat my vasgryp aan God se oordeel en genade in Christus.

Vandag kom ons by Klaagliedere 3

Hierdie lied vorm die hoogtepunt van die boek met sy drietal-alfabetiese styl (3 x 22 Hebreeuse letters) wat dui op die diep intensiteit van die belewenis van beproewe. Daarom word die ellende in die eerste persoon "ek" geskryf soos wat die digter dit aan sy eie lyf ervaar het. God se ingrype in ons lewe is altyd diep persoonlik en ontkloot jou fisiese, psigiese en emosionele pyn. (Vers 1 - 19)

MAAR!! Dank die Here vir die "maar"! **Midde daardie intense belewenis van ellende, breek die drie-dubbele heerlike, troosvolle hoop in God deur wat die gelowige nuwe perspektief gee en staande hou!** (Vers 21 - 33)

Hierdie hoop is gegrond in vers 22 naamlik in die troue liefde van die Here.

Mag die Here ons vandag leer hoe om hierdie hoop te vind midde die diepste belewenis van

beproewing sodat ons staande kan bly in God se troue liefdeskrag!

**Tema: Daar is hoop midde die wanhoop!
Ek moet onthou: God is lief vir my!**

Lofsang met die oog op die erediens

Ps. 103-1: 1, 7, 9; Ps. 31-1: 1, 12, 17

Ontmoetingsdiens

Intreelied: Lied 163: 1; Votum; Seën; Lofsang:
Ps. 89-1: 1, 2, 10; Geloofsbelijdenis: Die
12 Artikels: almal hardop saam

Verootmoedigingsdiens

Die Wet: Fokus op Tiende Gebod; HK
Sondag 44; Sing: Ps. 25-1: 8, 9; Gebed

Sakramentsbediening

Doopsformulier; Bediening van die Doop;
Sing na die doop Ps. 105-1: 5; Gebed

Woorddiens

Skriflesing: Klaagliedere 3: 1 - 33 (Die Bybel
2020 vertaling);

Teksverse: Klaagliedere 3: 21 - 24

Sing: Ps. 40-1: 1 (kleuters gaan na hulle
bediening); Woordbediening;

Antwoorddiens

Gebed; Liefdegawes, Sing Ps. 42-3: 4, 5;
Seën; Amenlied: Sb. 13-2.

GROEPBEDIENING

Kom byeen soos gereël in groepe.

GEBEDSRIGLYN JANUARIE 2024

Heidelbergse kategismus: Sondag 45

Vraag 116: Waarom is gebed vir die Christene nodig?

Antwoord: Omdat dit die vernaamste deel van die dankbaarheid is wat God van

ons eis (a) en omdat God sy genade en Heilige Gees alleen aan hulle wil gee wat Hom met hartlike versuigtinge sonder ophou daarom bid en daarvoor dank (b).

Luk. 11:9 "Ek sê vir julle: **Vra** en vir julle sal gegee word. **Soek**, en julle sal kry.

Klop, en vir julle sal oopgemaak word. (13)
As julle wat sleg is, dan weet om vir julle kinders **goeie** dinge te gee – die **Vader** in die hemel **nog baie meer!**

Vraag 117: Hoe moet 'n gebed wees wat God behaag en deur Hom verhoor word?

- Ons moet God wat Hom in Sy Woord openbaar van harte aanroep
- Ons moet weet wat ons nood en ellende is sodat ons dit bely en erken
- Alhoewel ons dit nie verdien nie, ons Vader wil ter wille van Jesus Christus ons sekerlik verhoor soos Hy dit in Sy Woord beloof het!

Rom. 8:26 "Die Gees staan ons ook in ons swakheid by:

ons weet nie wat en hoe ons behoort te bid nie, maar die Gees self pleit vir ons met versuigtinge wat nie met woorde gesê word nie."

Jak. 1:6 "Maar 'n mens moet gelowig bid en nie twyfel nie, want iemand wat twyfel, is soos 'n brander in die see wat deur die wind aangejaag en heen en weer gedryf word."

Vraag 118: Wat het God ons beveel om te bid?

Antwoord: **Alle geestelike en liggaamlike behoeftes** wat Christus saamgevat het in die gebed wat Hy self aan ons geleer het.

Dus, liewe mede-kind van God:

ons bid omdat ons dankbaar is en God dit van ons **eis!** Dit is nie opsioneel nie, ons kan nie besluit ons wil of ons nie wil nie!

God gee Sy genade en Heilige Gees alleen as ons Hom sonder om op te hou daarom bid en daarvoor dank!!

Ons as gemeente van Jesus Christus (by name Potchefstroom-Oos) wil dankbaar leef en werk!

- ❖ Dankie vir die nuwe jaar.
- ❖ Dankie dat ek mag skool toe gaan.
- ❖ Dankie dat ek 'n mamma en pappa het, onderwysers, vriende, mede-kinders van God, kollegas, familie, vriende, en vir 'n gemeente waaraan ek kan behoort!
- ❖ Dankie vir my predikant en sy vrou, nog geestelike leiers soos die ouerlinge, diakens, katkisasie onderwysers en elke leier by die kerk wat dit moontlik maak om die Here te aanbid en te dien (geestelike en liggaamlike behoeftes).
- ❖ Dankie dat ek die Bybel in my eie taal kan lees.
- ❖ Dankie dat ek ook vir ander mag bid soos vir hulle wat U nog moet leer ken, vir elkeen wat swaarkry, wat ookal die rede mag wees.

Ek is dankbaar en daarom bid ek!!

MEELEWING

- Pieter Lourens begin mooi herstel en beweeg nou al gemakliker en met minder pyn.
- Andries du Plessis gaan voort met chemoterapie om die gewas in die long te

behandel. Die kanker in sy ken, wang en agter die oor sou met 'n operasie verwijder kon word, maar daaroor sal later besluit word.

- Harmen Wijnberg se operasie het goed afgeloop en hy sterk huis aan. Daar sal nou, nadat die kankergewasse verwijder is, besluit word op verdere behandeling.
- Lihanke Lazenby se operasie was suksesvol en sy sterk mooi aan.
- Sanet Ras gaan hormoonterapie vir die kanker ontvang en ons bid dat dit positiewe resultate sal oplewer.
- Magdaleen Venter het Woensdag 'n groot skoueroperasie in Mooimed ondergaan en sterk aan in die hospitaal.
- Jaco van Rooyen het 'n rugoperasie in Pretoria ondergaan en sterk mooi aan.
- Engela van Rooyen se pa is ernstig siek in ICU in Rustenburg en sy self sukkel met haar gesondheid.
- Tobiana Willemse gaan Dinsdag vir 'n nekoperasie in Roodepoort waartydens hulle 3 werwels gaan heg.
- Roelf Kleynhans ondergaan eerskomende Vrydag behandeling vir kanker en ons bid vir volle genesing.

Ons bid al hierdie lidmate troos en beterskap toe in hierdie beproewings.

ONS VRA VOORBIDDING VIR DIE VOLGENDE LIDMATE WAT SUKKEL MET SIEKTE OF SWAK GESONDHEID

Estette Bredenkamp, Annette Coetsee, Kitty Kruger, Annatjie Duvenage, Bettie Niemand, Annetjie Vermeulen, Mariana du Plessis, Rita Schutte, Hannatjie du Plessis en Andries du Plessis.

ONS VERWELKOM VIR

- Freddie en Janine Bisschoff met Freddie-Paul en Elmienke wat met attestaat vanaf GK Potchefstroom by ons aansluit. Hulle woon op Plot 164, Kanaalweg, Groep 12.

ONS GROET

- Marius en Myrna Vermeulen met Ruan wat gemeenskap met die GKSA opgesê het.
- Siska en Ruan Joubert wat sonder attestaat vertrek het.
- Annatjie Grobler wat met attestaat vertrek het na GK Pretoria-Anlin.

VIR GOEDKEURING AS OUDERLING

Die ouderlinge hou aan u voor vir goedkeuring die naam van br Pieter Deysel vir die dienswerk van ouderling.

BEDIENINGE VAN HIERDIE WEEK

Vandag

09:30 Oggenderediens
Kleuterbediening
Katkisasie: Les 1
Tee en Koffie
16:00 "Grief-share"
Groepbediening

Maandag

18:00 Jeugdiensgroep
19:00 Bestuursdiensgroep

Dinsdag

06:00 Manne ondersteuningsgroep
17:00 Eiendommediensgroep
18:00 Katkisasie gr 8 - 10
18:00 Groepsusters

Woensdag

18:00 Katkisasie Gr 11
18:30 Elim-Bybelstudie

AFKONDIGINGS

- Beide Liefdegawes vandag: Diakonie (Groot boks en klein boks) Zapper-betaalmetode beskikbaar.
- Gawes volgende Sondag by die deure vir die Dankbaarheidsfonds.
- Vrywillige bydrae vir voertuigsekuriteit kan in die bussies gegooi word.
- Diensbeurte: Groep 22 en 23.

VERJAARSDAE

Baie geluk aan almal wat DV hierdie week verjaar!

Sondag, 28 Januarie

Br Frans Venter

Maandag, 29 Januarie

Br Gideon Coetzee
Jsr Minè Kloppers

Dinsdag, 30 Januarie

Sr Estia Joubert
Sr Ina Potgieter *
Sr Ihantè Rheeder

Woensdag, 31 Januarie

Br Marinus Lazenby

Donderdag, 1 Februarie

Br Eric Aspelinc *
Sr Maria Pretorius

Saterdag, 3 Februarie

Jbr AJ du Plessis
Jsr Esri Scholtz

* Lidmate met spesiale verjaarsdae – 75 jaar en ouer

AMANDELBLOEISELS (Senior lidmate-aksie)

Die Amandelbloeisels kom weer byeen op:
Woensdag, 14 Feb om 10:00 in
Die Skuur

Prof. Pieter Pretorius deel met ons sy insig oor "*DIE MENS SE GENETIESE WêRLD*"

Alle belangstellendes word hartlik uitgenooi na hierdie byeenkoms. Ons gaan hoor hoe ons individuele eienskappe deur ons gene bepaal word. Die vraag is of dit dalk moontlik is dat ons gene ons lewenswyse kan beïnvloed of dat ons lewenswyse ons gene beïnvloed? Wat ons wel weet uit die wet van God, is dat ons (eiewillige) lewenswandel en gewoontes ons nageslag tot in die 3de en 4de geslag kan beïnvloed.

Prof Pieter se praatjie beloof om 'n interessante en lewendige gesprek tot gevolg te hê wat julle nie kan misloop nie. ONS NOOI VERAL NUWE SENIOR LIDMATE IN DIE GEMEENTE OM SAAM TE KOM KUIER. Sien julle daar!!

GKSA-NUUS

Beroepe ontvang

- Ds GS (Gerrit) Kruger van GK Centurion na GK Burgersdorp.
- Ds EJ (Ernest) Vogt van GK Vaalwater na GK Hartbeespoort as medeleraar.

KALENDER 2024

Die Kalender vir 2024 is beskikbaar. Neem gerus 1 per gesin. Onthou dat jy die Kalender ook elektronies kan verkry via Google Calender. Kontak Adele om jou daaraan te koppel.

SOSIALE MEDIA

WhatsApp: 067 713 2332

Webblad: www.oosdoppers.co.za

Facebook: www.facebook.com/oosdoppers

Erediens videobank:

<http://ow.ly/ivfZ309vsdc>

Intydse erediensuitsendings op YouTube

by: Oos-Doppers Potch

BAIE DANKIE AAN ONS BORG VAN DIE WEEK!



**SLEGS R85 P/MAAND
ONLY R85 P/MONTH**

**TUINVULLIS VERWYDERING
GARDEN REFUSE REMOVAL**

Dienste per week sluit in:

- Leeg maak van drom
- Drie swartsakke
- OF slegs vyf swartsakke (GEEN drom)

PENSIONARISSE

25% afslag!!

Services per week includes

- Emptying of drum
- Three refuse bags
- OR five refuse bags only (NO drum)

PENSIONERS

25% discount!!



MARINUS 071 369 7866



SUSTERS

2 KOR. 7:1 "... LAAT ONS ONS DAN REINIG VAN ALLES WAT LIGGAAM EN GEES VERONTREINIG, EN ONS IN GEHOORSAAMHEID AAN GOD VOLKOME AAN HOM TOEWY."

SUSTERS: ELEKTRONIESE INBETALINGS

Lieve suster, om dit vir jou makliker te maak kan jy gerus die "Zapper App" aflaai en dan hierdie QR-simboolkode vir elektroniese inbetalings aan die Susters gebruik. Dui asb net vir ons aan waarvoor jy bydra: Jaarlikse sistersbydrae / Blikkies-warmharte / Kansa / Donasies.



TEESKINK-GELEENTHEID

Koffie, tee en koeldrank vandag in die Skuur na die oggenddiens.

Baie dankie aan groepsusters en hul groepe wat vandag hiermee help:
Roma Visser en groep 6, Hannelie Pieters en groep 14, Marike Grobler en groep 24, asook Elsie Buijs en groep 32.

BLIKKIES-WARMHARTE & SUSTERSBYDRAE

- Die doel van die blikkies (wat jy in die voorportaal van die kerk kan kry) is dat almal hulle lastige kleingeld in 'n blikkie sal goo en die vol blikkie dan in die voorportaal van die kerk sal neersit. Die geld word dan gebruik om blomme of iets toepaslik aan te koop vir iemand wat deur beproeing gaan.
- Die sisters se fondse word uit elke sister se vrywillige bydrae (R150 per jaar) verkry, asook uit die fondse wat tydens fondsinsamelingsgeleenthede geïn word. Hierdie geld word gebruik om na minderbevoordele geselskappe uit te reik en daar word jaarliks aan verskillende verdienstelike instansies, donasies gegee.

Dankie vir die sisters wat op gereelde basis 'n bydrae vir hierdie werk gee.

SUSTERSAAMTREK: 9 MAART



Die Susters van GK Potchefstroom, Walter Sisulustr 33, nooi ons na hierdie jaar se Sustersaamtrek.

"Groei deur die seisoene" - prof Albert Coetsee

Kostes: R180 p/persoon

RSVP: 10 Februarie 2024

Skryf asb jou naam op die lys in die voorportaal om jou plek te verseker.

KWARTAALPROGRAM

EERSTE KWARTAAL

DATUM	DAG	TYD	WIE	WAT
30 Jan	Dinsdag	18:00	Groepsusters	Groepsustersvergadering
20-Feb	Dinsdag	18:30	D	Sustersamekoms
9 Maart	Saterdag	08:00	-	Sustersaamtrek: GK Potchefstroom
10 Maart	Sondag	09:30	Alle sisters	Belydenisaflegging
10 Maart	Sondag	18:30	B	Ouderlingverversings
17 Maart	Sondag	12:00	A	Nagmaalete



Oosdoppertjie-Jeugbediening

1. Erediens Kinderblad

Ons kinders se deelname aan die erediens is belangrik. Ons dink aan die Here Jesus se uitnodiging: Laat die kindertjies na My toe kom! Die erediens is 'n ontmoeting tussen God en sy volk en ons kinders is net soveel deel van hierdie ontmoeting as ons volwassenes.

Om egter vir ons kinders hierdie ontmoeting so sinvol as moontlik op hullevlak van verstaan te maak, gee ons tydens die skoolkwartaal 'n Kinderblad uit. Dit is voor die erediens in die voorportaal beskikbaar. Daar is ook inkleurpotlode en knipborde beskikbaar. Hierdie kinderblad bied aktiwiteite wat die kinders tydens elke element van die erediens kan voltooi. Ouers kan die kinders begelei oor hoe om dit te voltooi. Die hoop is dat die blaadjie ons kinders sal laat groei in hul geloof en verhouding met ons Here.

2. Bediening vir voorskoolse jeug tydens eredienste

Gedurende die skoolkwartaal bied ons vir die voorskoolse jeug 'n georganiseerde program aan, terwyl Woordverkondiging plaasvind. Die kleuterbediening vind plaas deur 'n lessie wat op die kleuters se vlak aangebied word, asook speletjies, samesang en gebed. Kleuters van 3jr tot Gr R is welkom om by ons aan te sluit. Enigiemand wat die behoeftte het om betrokke te raak by kleuterbediening is welkom om Marlise te kontak.

Kontakpersoon: Marlise Styger (marlise.venter@gmail.com of 083 655 8145)

ALGEMENE INLIGTING



LIEFDEGAWES VIR BARMHARTIGHEID (DIAKONIE)

Hierdie QR-simboolkode is gekoppel aan die Diakonie se rekening en slegs bydraes vir Barmhartigheid kan daarmee gemaak word - geen ander betalings aan die Diakonie of kerkraad nie.

KONTAKBESONDERHEDE

Ds. Piet: 018 290 5635 / 082 779 1237

Hulpdiens: Ds. Pieter vd Walt – 082 851 3637

 Ds. Daan Bakker - 082 829 8456

 Prop. Pieter Deysel – 079 695 0027

Kerkkantoor: Adele – 018 290 7690 / 082 532 8658 / kerkkantoor@oosdoppers.co.za

Koster: Dawie v Zyl – 082 774 7936

BANKBESONDERHEDE

Geref. Kerk Potchefstroom-Oos

ABSA Bank

Tjekrek: 670 340 066

Takkode: 632-005

Diakonie

ABSA Bank

Tjekrek: 670 280 160

Takkode: 632-005

Susters

Capitec Bank

Spaarrek: 145 652 5695

Takkode: 470-010